

Bersih 2.0: Polis belanja RM2 juta, guna 11,046 anggota
The Malaysian Insider
04 Oktober , 2011

KUALA LUMPUR, 4 Okt — Polis Diraja Malaysia (PDRM) membelanjakan kira-kira RM2 juta dan menugaskan 11,046 pegawai dan anggota polis bagi menjaga keselamatan di Lembah Klang ketika perhimpunan Bersih 2.0 pada Julai lalu.

Menteri Dalam Negeri Datuk Seri Hishammuddin Hussein berkata jumlah itu termasuk 2,600 anggota yang dikerah dalam keadaan bersiap sedia di kontinjen-kontinjen di seluruh negara yang boleh dipanggil jika keadaan memerlukan.

“Polis terpaksa membuat persiapan rapi yang memerlukan perbelanjaan bagi perolehan kelengkapan tambahan, makan minum, penginapan dan keperluan logistik yang lain,” katanya dalam jawapan bertulis kepada soalan Teresa Kok (DAP-Seputeh) hari ini.

Kok ingin tahu bilangan anggota polis yang dikerah untuk bertugas di Lembah Klang pada 6 hingga 9 Julai serta perbelanjaan operasi menghentikan perhimpunan itu, lapor Bernama Online.

The Malaysian Insider

Hakcipta © 2011 The Malaysian Insider

Source: <http://www.themalaysianinsider.com/bahasa/article/bersih-2.0-polis-belanja-rm2-juta-guna-11046-anggota/>